

sukan

VARSITI

BERITA

bhvarsiti@bh.com.my



Peserta MY10K Night Run 2017

memulakan larian selepas wisel pelepasan dibunyikan.

info

- Lebih 1,000 peserta larian
- 3 kategori 15 km, 10 km dan 5km masing-masing lelaki dan wanita

Cabaran larian waktu malam

Oleh Faizatul Farhana Farush Khan
ffarhana@bh.com.my

Serdang

Hujan lebat diikuti bunyi guruh yang berdentum tidak melemahkan semangat peserta larian MY10K Night Run 2017 yang diadakan di Universiti Putra Malaysia (UPM) di sini, baru-baru ini. Pengarah Perlumbaan acara, Mr Lantz Yap,

berkata program julung kali itu, menyaksikan peserta berpeluang merasai cabaran larian waktu malam, termasuk menelusuri laluan khas disediakan seperti bukit kecil dan hutan pertanian dengan disinari lampu di kepala.

Larian mesra

Katanya, walaupun cuaca kurang baik sehingga larian bermula sedikit lewat selepas hujan berhenti bagi menjamin keselamatan peserta, mereka tetap berse-

mangat dan acara berjalan lancar.

Beliau berkata, acara berkonsepkan larian mesra amal ini membabitkan tiga kategori, iaitu 15 kilometer (km), 10 km dan lima km.

"Sebahagian daripada dana diperoleh melalui larian ini disalurkan kepada Majlis Kanser Nasional (MAKNA)," katanya.

Program itu dianjurkan Sekretariat Sukan dan Sekretariat Rekreasi, Keceriaan dan Kampus Hijau Kolej Tun Dr Ismail UPM dengan kerja-

sama syarikat Bid Direct.

Yap berkata, MY10K Night Run itu menerima tajaan daripada beberapa syarikat, seperti Safi Balqis yang bertanggungjawab mengadakan konsert mini sempena acara dan menjemput enam artis tempatan, iaitu Altimet, Alif Aziz, Farisha, Haqiem Rusli, Hello Luqman serta Persis.

Pengunjung yang membeli produk Safi Balqis bernilai RM20 berpeluang menyertai sesi autografi

bersama-sama artis serta cabutan bertuah.

Mempromosikan

Tajaan lain adalah daripada syarikat minuman tenaga, Red Bull, selain Decathlon yang menyedia-kan lampu kepala Onnight.

Pengerusi Penganguran yang juga Pengetua Kolej Tun Dr Ismail, UPM, Dr Abdul Razak, berkata acara larian itu mampu mempromosikan keindahan alam semula jadi pada waktu malam.

Sementara itu, bagi kategori 15 km (lelaki), juara menjadi milik James Karanja selepas menamatkan larian dalam tempoh 57.03, manakala Danielle Nant memenangi tempat pertama bagi kategori wanita dengan rekod masa 1:17:46.

Bagi kategori 10 km (lelaki) pula Asantha Kristiy muncul juara dengan catatan masa 44:01 dan Marissa Hauser yang merekodkan masa 56:38, mengungguli tempat pertama kategori 10 km (wanita).